

على وضعك | #خطبة_جمعة | د. حازم شومان

حازم شومان

ان الحمد لله نحمده ونستعين به ونستهديه ونستغفره وننحو بالله من شرور انفسنا ومن سيئات اعمالنا انه من يهدى الله فلا مضل له.
ومن يضل فلن تجد له هاديا مرشدنا. يا ايها الذين امنوا اتقوا - 00:00:00

الله حق تقاته. ولا تموتن الا وانت مسلمون. يا ايها الناس اتقوا ربكم الذي وخلق منها زوجها وبث منها رجalla كثيرا ونساء واتقوا الله
الذى تسألون به والارحام. ان الله كان عليكم رقيبا. يا ايها الذين امنوا اتقوا - 00:00:39

اتقوا الله وقولوا قولوا سيدنا يصلح لكم اعمالكم ويغفر لكم ذنوبكم. ومن يطع الله ورسوله فقد فاز فوزا عظيما. اللهم صل على حبيب
قلوبنا وعلى طبيب قلوبنا وعلى شفيعنا يوم العرض عليك محمد صلى الله عليه وسلم. اللهم صل وسلم وзд وبارك على - 00:01:09
حبيبي محمد عدد قطر الامطار وعدد ورق الاشجار وعدد مكاييل البحار وعدد ما اظلم عليه الليل واضاء عليه النهار حار عليه افضل
الصلوات من رب العالمين الى يوم الدين. اما بعد. اخوانى واحبابى في الله. يعني عايز اقول بعد ما شفنا رحمة ربنا وكرم - 00:01:34
ونفحات الله سبحانه وتعالى بعد ما شفنا ان ربنا ممكن يديك سواب قرن من الزمان في تمان ساعات عبادة. بعد ما شفنا ربنا ممكن
يفتح لك ابواب السماوات السبعة وابواب الجنة التمانية. بعد ما دقنا كرمه ونفحاته على وضعك. على وضعك اوعى - 00:01:54
هتسبيب طريق ربنا بعد ما ربنا فتح لك. اوعى تسبب التوجه للسماء بعد ما فتح لك ابوابها. بعد ما رمضان اسبت ان انت تقدر انك
احنا عملنا حاجات يا اخوانا ابسط واحد مننا في رمضان وليس شيء كثير على الله. ولكن في ظننا احنا في نفسنا. قال ابسط واحد
فيينا عمل حاجات لا - 00:02:14

تخيل احد ان فيه واحد عابد طول السنة يعملاها تلاتين يوم صيام وقيام وختمة قرآن هو معقوله! هو احنا كنا نتخيل ان هنقدر نعمل
كده رمضان اسبت ان انت تقدر. عشان كده على وضعك. على وضعك زي ما انت بقى. اوعى تتغير. اوعى تتغير عن اللي انت كنت فيه
في رمضان - 00:02:34

اووعى تغير وتبدل مع الله سبحانه وتعالى. بعد ما ربنا وقف على بابه وفتح لك ابواب رحمته. ودخلك ودوك وانهمرت عليك
الرحمات فات على وضعك على البعد عن الذنوب. وفي الخوف من الذنوب يا باغيه يا باغي الشر. اقصر على وضعك.
العاichi. تخيل لو انت واقف في - 00:02:54

وفي اتوبيس ولقيت واحد حرامي نشال بيحط ايده في جيب البنطلون بتاعك بيشيل المحفظة بتاعتك. اول حاجة تعملاها تصرخ
حرامي نشال امسك حرامي تخيل بقى لو انت قمت قايل ايه لاأنا مش هافضه بين الناس وسكت خالص لحد ما سرق المحفظة
وقلت انا لا يمكن افضحه - 00:03:14

بعد ما سرق المحفظة واطمنت انه خالص اتستر. بدأت تخفي اسار رجليه. عشان في يوم من الايام ما حدش يعايره ويقول له ويقول
له يا حرامي. تخيل انت هو في - 00:03:34

وعاملة كده ده اللي ربنا بيعلمه معك لما بتعصيه. ربنا لو العاichi بس يستشعر اللي ربنا بيعلمه معه وهو بيعصيه قلبه يدوب من حب
الله. وانت بتعصيه. والشاب قاعد قدم موقع وحش. قدام قناه وحشة وقاعد ما بحلق عينيه. ربنا ما من - 00:03:44
اعشي الدم عن عينيه في اللحزة دي. وهو بيغتاب ربنا ما منعش الدم عن لسانه في اللحزة دي. وهو بيسمع حاجة حرام. ربنا ما منعش
الدم عن ودنه كانوا في اللحزة دي وهو ماشي في رجليه رايج لمشوار حرام. رايج يقع في حرام ربنا ما منعش الدم عن رجليه. في
اللحزة دي وانت بتعصيه - 00:04:04

بيرزقك وانت بتعصيه بيرتب لك رزق اليوم ورزق مستقبلك. وانت بتعصيه بيسترك ويستر عليك ولا يفضحك. وانت وبعد ما تعصيه وتعصي وتعصي يناديك قل يا عبادي الذين اسرفوا على انفسهم لا تقنطوا من رحمة الله. يا عبادي لسة بينسبك لنفسه ده الاب لما ابنه - [00:04:24](#)

بيعمل معه موقفين ثلاثة اربعة وحشين يقول له انا لا ابوك ولا اعرفك يتبرى منه. لسة بينسبك لنفسه بعد ما الانسان عمل كل المعاشي قل يا عبادي الذين اسرفوا على انفسهم لا تقنطوا من رحمة الله. الانسان بس لو تخيل على وضعك على وضعك - [00:04:54](#) في التوبة. على وضعك في البعد عن المعاشي. على وضعك في البعد عن الزنوب. على وضعك في عبادة الله سبحانه وتعالى. احنا دقنا جنة العبادة يا جماعة. في حد يدخل - [00:05:14](#)

جنة ويخرج منها بعد كده فازلهم الشيطان عنها فاخرجهم مما كانا فيه وفي قراءة فازلهم الشيطان قرار ازالة. الشيطان كان عايز يعمل لادم قرار ازالة من الجنة. اوعى الشيطان يعمل لك قرار ازالة بعد رمضان. اوعى الشيطان يهد - [00:05:24](#) اللي انت بنيته بعد رمضان. اوعى الشيطان يرجعك تاني بعد رمضان. فاخرجهم مما كان فيه. اوعى تخرج من جنة العبادة اللي ربنا دخلها لك. واللي كده فتح عليك فيها. الرسول عليه الصلاة والسلام يقول انما سمي الخضر خضرا. لانه جلس على ارض بيضاء فقام وهي - [00:05:44](#)

فزوا من خلفه خضراء. بيقول الخضر بتاع سورة الكهف. سمي الخضر لانه جاي يقعد على ارض بيضا ارض جيرية. ارض ميته. قام والارض خضراء من النبات يعني بركة يعني شف ربنا اعطاه ايه. هو ده الانسان الصالح يا اخواننا. الانسان الصالح ربنا بيبارك له في كل حاجة. الانسان الصالح عامل زي - [00:06:04](#)

نهر كده طول ما هو ماشي بيخللي على يمينه وعلى شماليه جنة ربنا يا اخواننا ده القبر روضة من رياض الجنة او حفرة من حفر النار. العمل الصالح حول طين والاسمنت لروضة من رياض الجنة. امال يعمل لك ايه في الدنيا بقى؟ او مال يعمل فيك ايه في الدنيا؟ الثلاثة اللي اتفقلت عليهم الصخرة اغلقت صخرة - [00:06:24](#)

سدد باب الغار. امبراح كنت بشوف صورة كده واحد آآ يعني واحد حبيبي كده متصور صورة في جبل من جبال سينا. جبل من الجبال رايح سانت كاتين ولا مرسى علم. حاجة بقى من الحاجات اللي هناك دي. آآ ارض من الاراضي اللي هناك يعني. فبتصور في مكان سياحي كده على مدخل غار او كهف. فوق - [00:06:44](#)

وصخرة الصخرة قد الجبل. فبقول للاخوة بقول لهم تعالوا يا اخواننا اهي دي الصخرة اللي نزلت سدت باب الغار. الناس فاكرة ان الصخرة نزلت حته طوبة مسلا ويقعد يفك طب الثالثة ما زقوهاش ليه؟ لما وقعت سدت باب الغار زهقوا مين؟ قلت لهم لو واحد دلوقتي اتفقل عليه المكان اللي جوة ده. وفيه الف واحد - [00:07:04](#)

برة معه هيقدر هيقدروا يعملوا له حاجة لما وقعت صخرة الدويقة في المقطم على ستميت واحد وهم نايمين الساعة ستة الصبح من حوالي خمس ست سبع سنين كده ولا حاجة او سبع تمن سنين حصل حاجة واحد بيقول واحد من الناس اللي وقعت عليهم الصخرة فضل يتصل به يستغيس به معه محمول ومعه - [00:07:24](#)

فضل يستغيس به الحقني. حد ينقرني حد لحد العصر. بيقولوا بعد كده المكالمات اتقطعت. مات بقى انتظر الموت وياس من الحياة يعني الله يرحمهم جميعا. فتخيل انت كده لما صخرة زي دي تتسد. كلنا في صخور قدام حياتنا. الناس دي توسلت - [00:07:44](#)

الى الله بالعمل الصالح. فالله فرج الصخرة من طريقها. ربنا سبحانه وتعالى بسبب العبادة. بسبب الصيام والقيام. بسبب فتحتك

مصحف الله بيذيل صخور الحياة من امامك. الله بيذلل لك العقبات. الله بيفتح لك الابواب المغلقة على وضعك - [00:08:04](#)

على وضعك في العبادة. على وضعك من الوقت تعرف قول النبي صلى الله عليه وسلم من من صام رمضان ثم اتبעהه ستة شوال كان كمن صام الدهر. اتباعه ست - [00:08:24](#)

من شوال يا امين يعني تخرج برمضان بقى ايه اتنين وخميس بقى. صيام ابدأ اتدرب بقى على الاستمرار بقى. خلاص رمضان كان عامل زي معسکر مغلق كده قفة مغلقة وقفه تصحيح كل ما مسلا شركة تقول ليه؟ يقول لك مغلق للتجديدات. رمضان مغلق

للتجديفات. بعد رمضان انت نازل الحياة تاني - 00:08:34

اذاي بقى تستمر على العمل الصالح بعد رمضان؟ اذاي رمضان يبقى تعديل مسار؟ يبقى تصحيح وجهة. يبقى انت حالك بعد رمضان غير حالك قبل رمضان على وضعك على اصلًا لان رمضان لسة ما خلصش. يا اخوانا رمضان لم ينتهي بعد. بل اللي لسة جاي من رمضان اعظم في الجوائز والعطاء - 00:08:54

اطمن اللي فات من رمضان. قال رسول الله صلى الله عليه وسلم انما الاعمال بالخواتيم. انما الاعمال بالخواتيم. يعني القضية مش قضية ان الضيف جا لي. فانا استقبلته حلو جدا. وبعد كده قلت له الباب عندك اهواط ابقى قابل الباب وراك وشده وراك وانت نازل. ما انا ضيعت - 00:09:14

جمال الاستقبال. يا جماعة اخر يوم في رمضان ده ممكن يبقى اعزم يوم في رمضان. الليلة اللي احنا داخلين عليها دي ليلة تسعه وعشرين رمضان. النبي صلى الله عليه وسلم في صحيح البخاري - 00:09:34

يقول ان نلتمس ليلة القدر في تسع مطايin. يعني ليلة تسعه وعشرين رمضان. والرسول عليه الصلاة والسلام يقول ان الله يعتقد في اخر ليلة من رمضان قدر ما اعتقد طيلة رمضان كله. يعني انت متخيّل ان آآ طالب داخل الامتحان هو مش ياما حصلت واحنا داخلين امتحانات الدنيا - 00:09:44

ان الممتحن يجيب سؤال في اخر صفحة في المنهج او في اخر فصل في المنهج. ما ممكن الزيدة بتاعة رمضان تبقى في اخر يوم في رمضان وفي اخر ليلة في رمضان. عشان كده انما الاعمال بالخواتيم يبقى رمضان بالخواتيم. يبقى رمضان وقيمة رمضان واجتهاد - 00:10:04

من اهم عناصره الخاتمة بتاعة رمضان. هتختتم رمضان اذاي؟ العداء لما بييجي في اخر خمسية متر في السماء بيجيب اخره ليه خلاص يجيينا يجيب قمة قوته بقى. فالافتراض ان اقوى ايامنا في رمضان تبقى هي نهاية رمضان. عشان كده على وضعك على وضعك لان رمضان - 00:10:24

لسه ما خلصش ونفحات رمضان لست ما خلصتش. ودائماً ساعة الاجابة بتاعة يوم الجمعة العلماء معظمهم على انها اخر ساعة في يوم الجمعة. اخر ليلة دايماً النهايات دي ربنا بيدي عطاءات لله بيوواصل للنهاية. ربنا بيدي عطاءات وفتوات لله بيفضل مكمل لآخر لحظة كمل للنهاية - 00:10:44

كم من غروب شمس اخر يوم من رمضان كأنك شف بقى احنا استقبلنا رمضان اذاي واجتهدنا في اول رمضان اذاي؟ الاعمال مش من البدايات الاعمال في الخواتيم خليك في اخر رمضان اقوى منك في اول رمضان. غير ان لست مش عارفين ليلة القدر اصلاً. ممكن تبقى ليلة تسعه وعشرين. وحصلت من كذا سنة - 00:11:04

فئة ليلة تسعه وعشرين يبقى انت لازم تكون حازن للنهاية ومجتهد للنهاية على وضعك على وضعك مع القرآن او عى تسيب القرآن بعد رمضان او عى عين المصحف ويترافق عليه التراب وينجي بقى نفتحه قبل رمضان اللي جاي على وضعك مع كتاب الله. اكتر كتاب فيه ملابس على وجه الكرة الارضية - 00:11:24

كلهم حافظينه. القرآن معجزة القرآن. سيدنا عمر ابن الخطاب لما حفظ سورة البقرة دبح جمل. عمل عزومة ودبح جمل ليه؟ عشان حفظ اربعين صفحة من كتاب الله حفظ سورة البقرة على وضعك مع القرآن. قال رسول الله صلى الله عليه وسلم اصفر البيوت البيت الذي ليس فيه - 00:11:44

فيه شيء من القرآن. يعني ايه اصفر البيوت؟ يعني صفر على الشمال. بيت قيمته عند الله صفر. البيت اللي اهله مش حافظين القرآن. لا اباب حافظ ولا الام حافظة ولا الاولاد حافظين. الرسول عليه الصلاة والسلام سماه ايه؟ اصفر البيوت. البيت ده يأخذ كقيمة في ميزان الامة - 00:12:04

البيت ده يأخذ قيمة كقيمة في امة محمد صفر. البيت اللي ما فيش فيه ناس بتحفظ كلام الله. اصفر البيوت البيت الذي ليس فيه شيء من القرآن. طب شف بقى لما جه القرآن النبي عليه الصلاة والسلام قال ايه؟ قال رسول الله صلى الله عليه وسلم الماهر بالقرب -

مع السفرة الكرام البررة. ايه ده! يبقى القرآن ده اسانسير جبار بقى. ده رفعك من اصفر البيوت من صفر على الشمال اللي مع السفرة الكرام البررة. شف القرآن ممكن يرفعك قد ايه. على وضعك. على وضعك بعد رمضان. ورد القرآن بتاعك اووعي تسيب - 00:12:44

لو ورد صغير حتى لو ربع في اليوم حتى لو صفحة في اليوم انما اووعي تسيب ورد القرآن بتاعك. اووعي تسيب المصحف بعد رمضان ولا يوم. على وضعك في كل طاعة ربنا فتح لك قلبك لها في رمضان. ونور لك قلبك بقيمتها في رمضان. وهيفتح عليك في رمضان وبعد رمضان بسبب عبادتك - 00:13:04

للها بها. على وضعك في الزهد في الدنيا. احنا في رمضان يا جماعة سينا الدنيا ورا ضهرنا. صمنا وتركنا شهواتنا وفيينا اللي اعتكف وفيينا اللي ما شاء الله فختم القرآن مرات ومرات. وفيينا اللي ما سابش ولا يوم تراويف طول الشهر من اوله لآخره. على وضعك بقى في الزهد في الدنيا. انقضى رمضان - 00:13:24

وسينقض كل شيء كما انقضى رمضان. عشان كده ربنا في القرآن يجيب لك كثير مشهد النهايات. نهاية كل حاجة. نهاية السماء. والسماءات مطويات بيمنه. اخر لحظة في عمر السماوات اخر لحظة وربنا بيطوي السماوات السبع دي كلها بيمنه بقوته وقدرته وجبروته وهيمنته وعظمته. والسماءات - 00:13:44

بيمنه. ملك بطل العالم في في كمال الاجسام ولا المصارعة ولا ولا في اي حاجة. لو قلت له طويل العمود الخرسانة ده بيمنك والله ما يقدر ولا فيه مخلوق على وجه الارض يقدر. ما فيش ربنا يقول لك والسماءات مطويات بيمنه. اللحظة اللي ربنا هيئه فيها السماوات. مشهد من مشاهد - 00:14:09

القرآن اللي ربنا بيكلمك عنها لحظة نهاية الارض. والارض جمياً قبضته يوم القيمة. لحظة القبض. لحظة لما الانسان بيموت. اخر لحظة في عمر الكرة الارضية لما تبدل الارض غير الارض والناس تروح على ارض تانية. اسمها الساهرة. الساهرة دي اللي هي ارض المحشر اللي هنحضر عليها. وهنحاسب - 00:14:29

نسأل الله ان يدخلنا الفردوس الاعلى بلا حساب ولا عذاب. جمياً يا رب العالمين. واهلنا واحبابنا ومشايخنا وعلمائنا. فانت متخيل بقى ان الساهرة دي سميت ساهرة لان خمسين الف سنة سهر. انت لو قعدت عشرين ساعة صاحي تلقي في الاخر خلاص راسك بتتسقط. تخيل خمسين الف سنة ظاهر ما فيش - 00:14:49

ما فيش حاجة اسمها حد بيجي ينام ولا حد بعد عشر سنين طب نص ساعة بس اريح ولا افرض ما فيش الساهرة خمسين الف سنة بلا نوم يوم القيمة ارض التمنتasher مليون متين وخمسين الف يوم. خمسين الف سنة يساوي تمنتasher مليون. متين وخمسين الف يوم صح - 00:15:09

اخر لحظة في عمر الارض والارض جمياً قبضته. اخر لحظة في حياة مخلوقات السماوات والارض كلها. ونفح في الصور فصعق من في السماوات ومن في الارض؟ صاعق عارف صاعقة الكهرباء؟ صاعقة الكهرباء يعني حتى الرجل ما يقولش مسلا ايه آآ طب اوسي على العيال طب آآ اقول لكم - 00:15:29

خلاص صاعق القصة وخلصت في لحظة كان موجود وما عادش موجود ونفح في الصور فصعق من في السماوات ومن في الارض من شاء الله. متخيل اخر لحظة اللحظة اللي الوحش هتموت والبشر هيموتوا وملائكة السماوات السبعة هتموت وحملة العرش هتموت وملك الموت هيموت - 00:15:49

جبريل وميكائيل واسرافيل هيموتوا وكل المخلوقات هتموت في هزه اللحظة. لن يبقى الا الله الواحد القهار. سبحانه وتعالى كل المخلوقات ستموت في هزه اللحظة التي يقول الله عنها ونفح في الصور فصعق من في السماوات وما في الارض. الحيتان في البحار هتموت. الطيور في - 00:16:09

سماء هتموت. الوحش في البراري هتموت. كل الكائنات لن يبقى كائن واحد حي في هزه اللحظة. اخر لحظة في عمر الجبارين. وسيق الذين كفروا الى جهنم زمرا. وهم متاخدين شلل كده. شلل شلل شلل كده على حسب الزلم والجبروت والتخصص في الفهم يوزعون

على حسب كانوا متوزعين على انهى ثغر من ثغر حرب دين الله في الدنيا وكله بيترمي يقذفوا في النار زي كياس الزباله لما تترمى كده. القرآن دايما عن مشاهد النهايات عن مشاهد الخواتيم. ليه ؟ فكر في نهايتك انت بقى. فكر في مشهد النهاية. عمرك بيتسحب منك سنة ورا سنة. فكر. مش دمك - 00:16:49

بيتسحب منك عمرك بيتسحب منك. الامام احمد خد نفس العمر اللي انت خدته. عمل المسند فيه تلاتين الف حديث. عملت ايه في عمرك لله سبحانه وتعالى متخيلا ان صحف قاعدة تتوقف تتقفل. ولن تفتح الا يوم القيمة. هتفاجأ بالصحف دي انت حطيت فيها ايه؟ وملأتها باموال صالحه - 00:17:09

شكلها ايه! جاهز تموت! جاهز تقف بين ايدين ربنا! انقضى رمضان! وسينقضى كل شيء! كل حاجة هتنتهي! زي ما رمضان انتهى كده بالضبط من غير ما تدري تلاقي كل حاجة راحت. جاهز انك انت تموت. تخيل واحد داخل على مراته. يالله بسرعة حضري الشنط مسافرين مسافرين فين؟ مسافرين راس البر - 00:17:29

ولا جمصة عشان نعيده هناك ولا مسافرين السعودية. سعودية! مسافرين السعودية! بعد قد ايه! بعد اسبوع ولا عشر تيام يا يا بنتي الطيارة في المطار خمس ساعات والطيارة طالعة. يا نلحق يا ما نلحقش. طب احنا مسافرين نعمل عمرة نلحق اخر يوم في رمضان ولا مسافرين نعمل ايه - 00:17:49

مسافرين عقد عمل عشر سنين. ما احناش راجعين لا احنا ولا ولادنا لاهلنا ولا لمدارسنا ولا لمصالحنا. ولا لبيوتنا اللي بعد عشر انت مجنون يا عم انت! هو فيه واحد يدخل يعمل كده! طب ايه رأيك بقى ان اللي مش مستعد للموت اشد جنونا من هزا الرجل! ليه؟ لأن ربنا معرفك ان ملك - 00:18:09

الموت لما يبجي مش هيقول لك يلا على السعودية ده يلا على العالم الآخر. ومش هيقول لك بعد خمس ساعات هاقبض روحك ده حالا صاعق من في السماوات ومن في الارض - 00:18:29

ومش هيقول لك انت راجع الدنيا بعد عشر سنين. زهاب بالعوده ما فيش رجوع تاني. يبقى اللي ما بيستعدش للموت اشد جنونا من هزا الرجل ليه؟ لأن الموت بيبجي في لحظه وخلاص ما فيش رجوع للدنيا تاني على وضعك على وضعك في الزهد في الدنيا على وضعك على وضعك في فهم - 00:18:39

الدنيا وانها ما تستاهلش غير العمل الصالح. على وضعك في علو الهمة بعد رمضان. زي ما كان ربنا مديك علو همة في رمضان كده. يا اخوانا رمضان بداية وليس نهاية. فيه ناس فاكرة فيه ناس خلاص بعد ليلة سبعة وعشرين عارف ايه خلاص ليلة عدت وخلاص. رمضان مش ليلة - 00:18:59

خلاص بعد ليلة سبعة وعشرين فك بقى ورمضان خلص ويالله نتجهز للعيد. يا عم لسة الجوايز بتنهمر. وعطاءات الله بتنهمر. لست فالحد هزه اللحظه اللي احنا بنتكلم مع بعض فيها. ابواب الجنة التمانية مفتوحة. بتجري على ايه؟ باب الجنة مفتوح وانت بتجري على ايه - 00:19:19

ده لو ابواب البنوك مفتوحة لله عايز ياخذ سبائك دهب بيلاش. هيبيقى جنون ان الواحد يجري على اي حاجة تانية. ابواب الجنة التمانية لست مفتوحة لآخر لحظه من رمضان. ابواب السماوات السبع لست مفتوحة لآخر لحظه من رمضان. العتق من النار لست ببنهمر على رقاب العباد لآخره - 00:19:39

في اللحظه من رمضان. فرص العفو الملكي من الله سبحانه وتعالى. فرص كل عطاءات ونفحات رمضان. الان في قمتها مش اللي بقى خلاص في النهاية في قمتها. سنة ربنا في حياتنا ان دايما اواخر ساعات في كل حاجة هم اعظم عطاءات ونفحات في كل حاجة - 00:19:59

انتبهوا يا عباد الله. انتبهوا ولا تضيعوا هزه الفرصة. قد يكون اخر رمضان في حياتنا. قد يكون قد يكون رمضان الجاي هيعدى عليك. وانت وانا في صبري لا نستطيع ان نعبد الله سبحانه وتعالى. والناس قاعدة تتنعم في رمضان والموت واحنا خلاص. يكون ده اخر

رمضان لنا في حياتنا. قد تكون دي اخر لحظات لنا - 00:20:19

انا عايشة وابواب السماوات السبع مفتوحة لنا. وابواب الجنة التمانية مفتوحة في حياتنا. انتبهوا يا عباد الله. على وضعك. على وضعك في اليوم اللي باقى من رمضان على وضعك بعد رمضان او عى بقى حد يجي لك بقى في ليلة العيد يلا نطلع على شرم يلا يا عم اصبر بس استهدي بالله كده عايز تطلع تتفسح اتفسح مع صاحبك - 00:20:39

مصالحة ما تطلعليش مع صحبة انت ياما عصيت ربنا معها وتقول انا طالع لا والله باصص هنا كوييس في رمضان يعني كوييس ازاي؟ كوييس ازاي واحد استحمي ونجس وغير ولبس جديد في جديد واتبرفن وضرب شعره جل وبقى خلاص بقى فابريكة بقى من فوق لحت. وبعد كده قام رامي نفسه - 00:20:59

في بكاربورت مجازي ليه يا ابني ليه بئس الاسم الفسوق بعد الايمان. بعد ما ربنا رفعك وظهرك ونور لك قلبك. تروح ترمي نفسك في مكان غفلة تاني ليه ؟ طب انا عايز استمتع استمتع مع صحبة صالحة بقى. عايز تروح اي مكان تطيع ربنا مع ناس تقضوا ماسكين ايدكم في ايد بعض كده. انما شاب - 00:21:19

اطلع عالمصيف ويجي يقول لك ده انا اول مرة في حياتي اصلی خمس فروض في مصيف. يا نهار ابیض! اول مرة في حياتك! يعني هو انت يا تستمتع وتدى ضهرك لربنا - 00:21:39

يا تقدر في الجامع تصلى. هو هو يا اخواننا بعد رمضان امتحان كبير اوبي. هنقدر نوزنها ولا لأ؟ هنقدر نبقي ماسكين في الدين والدنيا في نفس ولا لأ؟ اقول قولي هذا واستغفر الله الحمد لله وكفى وصلاة وسلاما على بالي الذين اصطفى. اللهم لك الحمد كله ولكل الملك كله وبيدك الخير كله - 00:21:49

واليك يرجع الامر كله. اللهم صل على عبده ونبيك محمد صلى الله عليه وسلم. في الاولين والاخرين وفي كل وقت وحين. اما بعد قال تعالى كلا اذا بلغت التراقي وقيل من راق مين اللي هينزل يرقى بروحه بقى ملايكة الرحمة ولا ملايكة العزاب الراجل في الاحتضار خلاص. وظن انه الفراق اهله - 00:22:09

وقادين يدوروا على دكتور واعرف انه ميت ميت. خلاص خلصت بقى. هو حس بدبيب الموت في جسمه. والتفت الساق بالساق. رجليه بقى دخلت في بعضها صلاح هيروح فين ؟ لا عارف يطلع قدام ولا عارف يرجع ورا. لا عارف يطلع للآخرة ولا عارف يرجع للدنيا. والتفت الساق بالساق الى ربك يومئذ المس - 00:22:29

الساقط سمت ساق لان هي اللي بتسوقك. لانك انت اللي سايق. انت الوقتي في الدنيا اللي سايق. انما لما نزل الموت الى ربك يومئذ. المساق بقى متساء بك. يبقى انت عامل بالظبط زي واحد راكب عربية وفجأة لقى حملة في الطريق. انزل انزل ايه؟ اركب في العربية دي. اركب في العربية هتودوني فين؟ خلاص - 00:22:49

انت كنت سايق من الوقت انت هتبقي متساق. من الوقت يا اما سيق الى جهنم يا اما سيق الى الجنة. خلاص. يبقى انت لحد دلوقتي انت اللي لسة سايق لحد الوقتي انت اللي لسة الدركسيون في ايديك. لحد الوقتي انت اللي ماسك عجلة القيادة. في لحظة هتللاقي خلاص كل حاجة راحت. عشان كده يا اخوانى في الله - 00:23:09

انت خارج من رمضان صفحة بيضا. احنا فينا ناس فعلا يا جماعة قاعدة دلوقتي صفحة بيضا خلاص. صفحة بيضا ما حدش فيه زنوب ولا مشاكل ولا احنا فينا ناس انت قاعدة بينا الله عفا عنها خلاص خدت عفو ملكي. فينا ناس قاعدة بينا دلوقتي فازت بابواب الجنة التمانية. فينا ناس قاعدة بينا الوقتي اعتقت - 00:23:29

في رقابتها من النار وفينا ناس قاعدة بينا زي ما دخلت زي ما خرجت. الله اعلم باحوال العباد. وفيه ناس قاعدة بينا ما زادتش غير زيادة طفيفة. الله اعلم بامانة - 00:23:49

المقبول فنهنيه. ومن المخزول فنعزيه؟ انما عايز تعرف ربنا قبل منك رمضان ولا لأ؟ اه. نفسي اعرف عمرك ما هتقدر تشفوف صحيفتك. ولا هتقدر تشفوف ربنا قبل ولا لأ. انما تقدر تعرفها من عالمة مؤكدة. ايه ثواب الحسنة الحسنة بعدها. عايز تعرف ربنا قبل منك رمضان ولا لأ - 00:23:59

في شوال هتعرف. ازاي؟ لو ربنا يسر لك طاعته في شوال وفتح لك ابواب طاعة في شوال يبقى ربنا يقبل منك رمضان. للذين في هذه الدنيا حسنة. حسنة. من سواد الاحسان ان ربنا يفتح لك ابواب الحسنات. قال تعالى ويدرؤون بالحسنة - 00:24:19 سيئة. يعني لما يقع في سيئة يدفع عذاب وعقوبة السيئة عن نفسه بانه يعمل حسنة بعدها. لو ربنا فتح لك ابواب الحسنات بعد رمضان يبقى ربنا قبل منك رمضان. يبقى عايز تعرف علامة القبول ان ربنا يفتح لك ابواب الدعاء بعد رمضان. طب علامة الخزلان ان تلقي الدنيا مغلقة والعياذ بالله. ابواب الدين - 00:24:39

مش ابواب الدنيا. اللي تلاقي الدنيا مقلفة والعياذ بالله. يبقى عايزين نعرف يا اخواننا ان رمضان ده بداية مش نهاية. وجاء من اقصى المدينة رجل رجل يسعى كان في اقصى المدينة بيترى وبيتعبد نزل الدنيا تاني بقى راجل يسعى بطل بعد رمضان هتعمل ايه بعد رمضان؟ انت هتخرج - 00:24:59

من رمضان رجل يسعى ولا هنخرج من رمضان زي ما كنا يعني مش عايزين نشخبط يا جماعة. اوعى تشخبط في الورقة البيضا بعد ما خلاص صحيفتك بقت بيضا اوعى تشخبط فيها في ليلة العيد. الليلة الكارثة دي اللي ما حدش يتخييل ان الناس اللي كانت قاعدة تصرخ في المساجد ليلة سبعة وعشرين رمضان في التهجد. والاليمان - 00:25:19

تقول اللهم اعتقد رقابنا من النار وهم يعطوا والشوارع متقلبة بالمصلين في كل مكان. هم دول الناس اللي بعد اتنين وسبعين ساعة في ليلة العيد بيبارزوا الله بكل معصية. اكتر ليلة في الامة بيتشرب مخدرات فيها. اكتر ليلة في

بنتهك حرمات الله فيها. لاكثر ليلة في الامة فيها تبرج. ليلة العيد اللي الامة بقى لها تلاتين يوم في عسکر ايماني يبقى فيه ناس يا جماعة ولا استفادت برمضان ولا هي فاهمة رمضان ده ايه اصلا! اوعى تبقى من دول! خليك خارج من رمضان فخرج على قومه - 00:25:59

من المحراب احنا جايين من محراب رمضان نخرج عاليين بقى على قومه نخرج من علو خارجين ايمانا مرتفع رمضان بدايه وليس نهايه بدايه وقفه تصحيح مسار عشان نرجع حداشر شهر بعد كده اما يبجي رمضان الجاي بازن الله سبحانه وتعالى وانتم بخير
وسلامة يا رب بازن الله - 00:26:19

فيجي رمضان الجاي وايه ويكون الحداشر شهر دول انت خدت شحنة للسنة كلها ومنطلق للسنة كلها على وضعك على وضعك في صلة الرحم على وضعك شفته في رمضان بقى والاسر بتعمز بعض والناس بتتصل ببعض وده بيعمز ده على الفطار وده - 00:26:39 على وضعك بقى في صلة الرحم. او عى تغير. ولو كنت ما وصلتش رحmk في رمضان او عى تكمل كده. اعظم عبادة في العيد انك توصل ارحام قال رسول الله صلى الله عليه وسلم لا يدخل الجنة قاطع لا يدخل الجنة. هو النبي مش بيهزز معك عليه الصلاة والسلام - 00:26:57

النبي بيقول لا يدخل الجنة قاطع اي قاطع للرحم. تعال لي بقى بخمسين تراویح وسبعين آآ رمضان صمthem وتلاتين لا يدخل الجنة
قط حد من اخواننا الصالحين جدا جدا وجاي بيقول لي انا شفت رؤيا ان اتنادى على اسماء الناس في الجنة وانا وانا اللي فضلت
واقف في الآخر - 00:27:17

اسم ما اتناداش عليه. رايح للراجل اللي واقف على يعني بينادي اسماء الجنـة قال لي اسمك مش معـي. قلت له انت في مشكلـة بينـك وـبينـ حد قـرـيبـك؟ قال لي مقـاطـعـ خـالـي - 00:27:37

ما بنكلامش بعض. قلت له يا ابني ده تأويل الرؤية. اجري يا ابني بوس ادخالك. اجري اللي هيدخل الجنة قاطع. كل اللي انت بتعمله من اعمال صالحة مش هينفعك لو انت كنت قاطع للرحم - 00:27:47

الخاتمة اللي مات وايسيس دي. الشاب اللي مات ومؤفور - 00:27:57

بيشد نفس مخدرات ومات واصحابه رموه وجريوا. اللي مات وهو بيشرب مخدرات في الشقة لوحده. واكتشفوه بعد ما مات بكترا يوم ما بعث جسته الله ان هو ده سوء الخاتمة. يا اخوانا من اخطر انواع سوء الخاتمة في المجتمع اللي بيموت وبينه وبين حد من قرايبه قطيعة - 00:28:17

من اخطر انواع سوء الخاتمة بس الناس مش فاهمة. الناس عندها سوء الخاتمة اللي مات وهو مضيع العبادات. انما المسلمين الوقت ما عندهمش وعي في قضية اخلاق. قال رسول الله صلى الله عليه وسلم لا يحل لامرئ مسلم ان يهجر اخاه فوق ثلاث. الرسول بيقول حرام - 00:28:37

ان حد منكم يقاطع اخ مسلم له في الله فوق ثلاث ايام. يعني ايه يهجره يعني؟ مش فاهم يعني ايه يهجره؟ يهجره بالبلدي يعني لو انت ماشي في في الشارع شفته ماشي ما تقولوش لبعض سلام عليكم بس. اي حد بينك وبينه العلاقة دي كارسة. طب يا رسول الله بقى واللي هي عمل كده بقى لا - 00:28:57

لامرئ مسلم ان يهجر اخاه فوق ثلاث. ها طب اللي بينه وبين واحد جاره ولا صاحبه ها ولا حد معرفة ولا حد بيصلني معه في الجامع. مشكلة ما بيسلموش على بعض. اسمع بقى النص - 00:29:17

تاني من الحديس فمن هجر اخاه فوق ثلاث. فمات دخل النار. ايه ده ده نص المسلمين بيموتوا يا قاطعين ارحام يا مهاجر يا يا هاجر واحد من المسلمين زيه يا هي هاجرة واحدة من المسلمات ما بيكلموش بعض ولا بيلقوا السلام - 00:29:27

طلبات ولا بيسلموا على بعض. هي دي المصيبة. واحنا فاكرين ان سوء الخاتمة هو اللي مات وهو بيذني ومات وهو بيشرب مخدرات بيشرب بخمرة. ومات وهو تارك للصلة ومات ده سوء خاتمة ولكن فيه سوء خاتمة تاني اللي مات وقاطع للرحمات عشان كده في العيد صلح كل علاقاتك بقى. صاحب - 00:29:46

بس يا عم اعصر على نفسك كيس ليمون. اصل هو مقاطع كان هو ووالد يا عم انت ما لك باللي بينه وبين ابوك. انت ما لك ابوك هيدخل بين ايدين ربنا حافي عري يتحاسب وانت هتدخل بدين ربنا حافي عري تتحاسب انت مالك اصل هما ووالدتي في العلم اطعمة انت مالك انت هتحاسب امام - 00:30:06

الله عن رحمك زي ما والدتك هتحاسب امام الله عن رحمها. اصل بيكرهوني وبيحقدوا علي وحاذدين ان احنا ناجحين. يا اخي افضل الصدقة على الرحم الكاشه. الكاشه يعني الحقوني. الرسول عليه الصلاة والسلام بيقول لك ده افضل الصلاة انك تاخد هدية وتزور ناس قرايبك. وانت عارف انهم بيحقدوا عليك - 00:30:26

وبيحيدوا عليك ده افضل الصدقة. من اراد ان ينسأ له في اثره وان يبسط له في رزقه فليصل رحمه. صلة الرحم من اسباب توسيع الرزق والبركة في العمر واطالة العمر. او عى تضيع هزا الامر. او عى تهد اللي انت بنيته. او عى بعد ما ربنا رفعك في رمضان - 00:30:46

تضيع العبادات اللي انت كسبتها في رمضان في اكل ربا في تعامل في مال حرام في رشوة في او عى او عى تضيع اللي انت بنيته في موقع وحشة في قطيعة رحم في عقوق والدين او عى تدي اللي انت بنيته. قال تعالى والباقيات الصالحات - 00:31:06

خير عند ربك ثوابا وخير ام لا. كل ركعة صليتها لربنا في رمضان امل لك في الحياة. امل لما الملك حسين يعني رحم الله المسلمين لما جا له سلطان كل الملك ما حدش عارف يعمل له حاجة. دكاترة امريكا ما حدش عارف يعمل حاجة. لو الانسان حصل له ازمة بجد ما حدش هينفعك غير العمل - 00:31:26

الصالح وخير املا. امل في الحياة هو العبادة اللي انت عبد ربنا بها. او عى تضيعها. انت عامل زي اللي مسك شيك بمليون جنيه في ايديه. او عى تضيعه حافظ على الخير اللي ربنا اداه لك. حافظ على الحسنات اللي ربنا حطها في ميزانك. قد يأتي لحظة يا اخوانى في الله. قد يأتي لحظة نبكي دم عشان - 00:31:46

سنة واحدة يوم القيمة. قد تأتي لحظة تلف على ارض المحشر كلها تتوسل للناس عشان حد يديك حسنة. انت خارج الوقت بمالاين الحسنات. حافظ على لان دي السروة الحقيقة في الدنيا وفي الآخرة. اللهم اختم لنا رمضان بكل خير. اللهم اختم لنا رمضان بكل

خير. اللهم - 00:32:06

فلا تجعل اخر عهدهنا بالصيام رمضان ولا اخر عهدهنا بالقيام رمضان ولا اخر عهدهنا بتلاوة القرآن رمضان. اللهم كما فتحت علينا في رمضان افتح علينا بعد رمضان يا مقلب القلوب ثبت قلوبنا على دينك. يا مصرف القلوب صرف قلوبنا على طاعتك. اللهم لا تخرجنا من رمضان الا - 00:32:26

فقد غفرت لنا ذنبينا وكفرت عنا سيناتنا واعتقدت من النار رقابنا وظهرت قلوبنا وزكيت نفوسنا وشرحت صدورنا وقويت في رضاك عزمنا وانرت بصائرنا. اللهم انك عفو كريم تحب العفو فاعف عنا. اللهم ما انزلته على عبادك - 00:32:46

صالحين في نهاية رمضان من فتح ورزق وبركة ومدد ونور وحفظ. فاجعل لنا منه اعظم حظ ونصيب اللهم ما انزلته على عبادك الصالحين في رمضان من فتح ونور وبركة ومدد ورزق وعلم وفهم وحفظ فاجعل - 00:33:06

حلنا منه اعظم حظ ونصيب. اللهم انا نسألك من خير هذا الشهر وخير ما فيه وخير ما بعده. ونعود بك من شر ما بعده يا رب رب العالمين. اللهم سبّتنا على طاعتك. اللهم انا نعود بك من التقلب بعد ان ابني اليك وعدنا اليك. يا مقلب - 00:33:26

قلوب ثبت قلوبنا على دينك. اللهم فرج كرباتنا. اللهم هدد ديون عنا. اللهم اشف امراضنا. اللهم اشف امراضنا وامراض احبابنا اللهم اكشف الهم والغم عنا. اللهم وسع ارزاقنا على طاعتك وابتغاء مرضاتك. برحمتك يا ارحم الراحمين. سبحانك اللهم وبحمدك - 00:33:46

اشهد ان لا اله الا انت استغفرك واتوب اليك - 00:34:06